

كارتون الكتاب المقدس

الصليب

متى 27
مرقس 15
لوقا 23
يوحنا 18 و 19

المصدر [Bible App for Kids](#) ?

? سؤال: إزاي أحب زي ربنا؟

? الإجابة: أظهر المحبة لأي حد ... مهما كان

تعالوا نشوف إزاي

كارتون الكتاب المقدس - الصليب



? نشوف إيه في القصة دي؟

حاجة صعبة جداً ... ربنا يسوع معاملش أي حاجة غلط أبداً ... بس سمح لهم إنهم يصلبوه
كان يقدر يمنعهم و ينزل عن الصليب بسهولة جداً ... بس هو كان عايز يموت عشاننا
و ده من محبته العظيمة لينا كلنا ... عشان يتحمل هو عقاب خطايانا كلنا
لما عمل كده و كمل فدائه .. قال: قد أكمل

فلما أخذ يسوع الخل قال: «قد أكمل». ونكس رأسه وأسلم الروح (يوحنا 19 : 30)

و بعد 3 أيام قام من الموت

ربنا يسوع كان بلا خطية ... بس اختار الموت عشان يحمل عقاب خطايانا و يفدينا ... ما حدش يقدر يعمل كده غيره

ال حاجات اللي المفروض نعملها؟



الصليب هو الطريقة اللي ربنا بيّن لنا قد إيه هو بيحبنا ... على الصليب هم اتحمل عقاب خطايانا ... و بعد 3 أيام قام من الموت

لو احنا آمننا بكده و عشناه نبقى متصلحين مع ربنا ... ولاده المليانين حب زيّه

- 2



زي ما ربنا حبنا بطريقة صح, و إدانا الفداء اللي احنا محتاجينه
و زي بالظبط ما ماما و بابا بيحبونا ... بطريقة صح (إنهم يدّونا اللي احنا محتاجينه)

احنا كمان نحب الناس كده ... نشوف هم محتاجين إيه و نساعدهم

يعني لو حد متضايق أطول أفرحه ... لو حد محتاج أكل أديله ... لو حد خاف أطمّنه و أصلي له

! **المشكلة:** ساعات أكون أناي, ماحبش أشارك حد في حاجتي أو أكسل أساعد حد ☹️

👉 **الحل:**

أفكر معنى حب ربنا لي ... مش حب بتاع كلام و خلاص, حب حقيقي باذل
يعني أدّي أصحابي و أساعدهم زي ما ربنا جبني حتى لو هاضي بحاجة أنا باحبها 😊

📖 تعالوا نحفظ مع بعض الآية:


كما أحببتكم أنا تحبون أنتم أيضا بعضكم بعضا (يوحنا 13 : 34)

👉 يعني ربنا بذل نفسه عشاننا ... احنا كمان لازم نحب كل الناس بجد مش بالكلام

♥️ تعالوا نصلّي مع بعض:

يا رب أشكرك على حبك العظيم لي ... اللي خلّك تقبل الموت على الصليب عشان تخلّصني من خطيئي
زي ما انت أظهرت لي أعظم محبة ... ساعدني أنا كمان أظهر المحبة دي لكل الناس

صورة للتلوين: ربنا يسوع و هو بيتحكم عليه بالصليب رغم إنه ماعملش أي حاجة غلط



تعالوا نفكر قد إيه ربنا حبنا ... و و صانا نحب كل الناس



ربنا يسوع قال: يا أبتاه اغفر لهم